


Л. УСПЕНСКИЙ

НИЛЕ БОЕВОЙ СЛУЧАЙТЬ





Э-Мора.
3-274

Л. УСПЕНСКИЙ

НИЛЕ БОЕВОЙ СЛУЧАЙТЬ

Рисункатне
А. ДАВЫДОВАНЬ

Эрзякс сёрмадызе
А. ТЯГУШЕВ.

ГОС.
Публичная
Б-ка в
Ленинграде

Инв. № 1353

Всесоюзной Ленинской Коммунистической
молодежьень Союзонть
Центральной Комитетэсь
ЭЙКАКШОНЬ ЛИТЕРАТУРАНЬ ИЗДАТЕЛЬСТВАСЬ
Москов ★ 1939 ★ Ленинград

THE HISTORY OF THE

1777

Printed by J. B. [illegible]

Минек масторонь весе эйкакштне содасызь Климент Ефремович Ворошиловонь, Советской Союзонь Маршалонть, Оборонань Народной Комиссаронть. Содасызь сонзэ ды вечксызь. Ды, нама, бажить содамо сондензэ педе-пев весе.

Кода сон зрясь эйкакш пингстэ? Кода сон теевсь большевикекс? Кода теевсь Якстере Армиянь командирэкс? Кода ветясь бойс ашотнень каршо минек армиятнень? Кода изнясь врагтнень? Ды мезень кис получинзе сеть ордентнэнь, конат палыть мештесэнзэ, зярдэ первомайской парадонь часостонтъ сон лиси конензэ лангсо Московонь Кремлянь Спасской башнянтъ ташто ортатнева?

Штобу ёвтнемс коть сех главнойдентъ сень эйстэ, мезе ульнесь Ворошилов ялганть замечательной эрямосонзо, сави сёрмадомс аволь вейке эчке книга. Покш ломанентъ эрямозо а кельги нирькине ёвтнемас.

Те книжкасонть жо минь ёвтнетяно ансяк ниле сех обыкновенной боевой случайде, конат зярдэ бути, гражданской войнань васоло читнестэ, теевсть Климент Ефремович марто фронтсо.



ПЯТИИЗБЕННОЙ СТАНИЦА

Чинек-венек мошьть бойть, чинек-венек як-стереармеецэнь частне эцеть восток ёнов, Волганть, Царицын ошонтень (ней сонзэ эйстэ мерить Сталинград). Кись ульнесь стака, ашотне лепштясь весеме ёндо. Эрва косто марявсь винтовкань царнома, орудиянь леднема, взрывень зэрнема...

Ды друк, зярдо минек войскатне васолдо эсь икельдест неизь казаконь аволь покш велеть, Пятиизбенной станицанть, апак учне перькаст весе сэтьмендсь. А пижнемат, а леднемат. [Врагось

прок следтэме ков бути ёмась. Ков сон мольсь?
Косто каяви таго? Ки соды!

Войнасо истямо а содамось сех виев бойде берянь. Неприятелесь страшной, бути парсте а содат, косо сон ды месть сон тейни. Эрявсь нейке жо модемс смел разведкав, совамс ве ёндо раужолдыця велентень, содамс, а кекшни ли тосо врагось. Те тевесь ульнесь пек опасной, но эрявикс.

Решизь разведкав кучомс броневикке — пулемёт марто бронировазь автомобиль. Броневикесь ульнесь ташто ды синтрезь-тапазь, но мезеяк лия кедь маласо арасель.

Самай паксяв лисемадонть икеле кармасть содамо, што броневикенть лангсо командирэкс моли армиянь командующеесь Климент Ефремович Ворошилов. Неявсь, разведкась се чистэнтъ ульнесь истямо важной тевекс, што Ворошилов мольсь те разведкантень сонсь.

Броневикесь бойкасто ютызе келей чаво паксянтъ, кона ульнесь якстере боецтнэнь ды велинентъ ютксо, ды ардозь совась посёлкантень. Главной ульцясь чаволь. Но врагтне паряк кекшнестъ проулкатнева.

Истя жо бойкасто броневикенть ветицясь велявтызе машинанть вейке истямо проулкас, кона пурдась крута кумажа лацо. Но кода ансяк машинась пачкодсь проулкань пурдамо таркантень,

машинань ветицясь весе вийсэ кундась тормо-
зонть.

Сон сеск чарькодсь, што лиссь страшной тев.
Проулкась прядовиль тупиксэ. Лия лисема тарка
эйстэнзэ арасель. Тосо, проулканть песэ, чув-
тонь забортнэнь вакссо содозельть казаконь сед-
лаязь алашат. Весе кенкштнева, ортатнева, ка-
литкатнева уш чийсть моторонь лажноманть
вооруженной ломать. Казакт! Ашотне!

Машинань ветицясь лоткавтызе машинанть.
Чамазо ашолгадсь, прок пор.

— Месть тейнят? Мейсь лоткавтык? — сер-
гедсь Ворошилов.

— Теине таркась! Ардомсто а велявтоват, ко-
мандир ялгай!

Сон эзь кенере еще тень мереме, кода ка-
зактне пижнезь каявсть машинанть. Сеск жо
броневикенть потсо весе кармась зэрнеме, ур-
номо ды кирнявтнеме: те кортазевсь якстерет-
нень вейкине пулемётось.

— Ага! Мелезэнк эзь тук? Мадниде пулят-
нень алов, бандитт?

Машинань ветицясь турвань сускозь ноцков-
тызе удалов потамонь рычагонть.

— Ох, командир ялгай, беда!... Удалов потам-
кась колавсь... Мезе бути кольсь. А лисевдяно...

Казактне сеск чарькодсть, што броневикесь
лоткась.

— Мезе? Понгиде, якстере шайтят?... Ну, ней минь тынк!..

Вана сынъ уш кирнявтнестъ канаватнес, эцитъ пеке кисъкест лангсо тикшентъ ланга, бажить эцеме яла седе малав. Сынст пуляст броневикентъ ланга чавить истя, што зэрнемадонть машинасо ломатнень цют а сезневить пилесэст перепонкатне. Пулятне пурксевить свинецэнь ды сталень пек ламо вишкине пси пурксевксекс. Нетъ пурксевкстнэ ливтнить боевой вальминень теине щельтнева, ранить кедтнень, чаманть, пачк пултыть одижанть.

Машинань ветиясь, еще од цёрыне, овсе талакадсь.

— Местъ тейнемс? Командир ялгай? Кода улемс? Ёминек, — моткодсь сон.

Ворошилов кеме кедензэ путызе сонзэ лавтовонзо лангс.

— Ды местъ тон, ялгай, местъ тон! Мезде тандадыть? Кирдтъ кеместэ! Снартыка, паряк, котъ а ламодо машинась поты удалов? Ну, ну, велявт а ламонь а ламонь... Ды иля пельть, мезеяк еще арась страшноесь! Леднетяно каршо-зост, мендяно! Седе курок!

Эрва ки эйтэнк нейкшнызе, кода теине проулкасо или кардайсэ велявты стака грузовикесь. Бойкасто те кодаяк а тееви. Эськелькс

икелев, эськелькс удалов... Цют-цют кершев, цют-цют витев... Кавто метрат икелев, кавто удалов, ды таго пель метра витев... Минута, омбоце, колмоце...

Истя ульнесь нейгак.

Пулятне жо те шкастонть валсть пиземекс. Казактне чийсть теине ульциневанть колмонь-колмонь, нилень-нилень, вейкень-вейкень. Сынъ то пракшность, то таго кирнявтнестъ; сынъ смелгавтнестъ эсь пряст пижнемасо, урномасо, улю-лю сееремасо ды апак лотксе леднестъ. Ды яла пачкодсть седе малав.^в

— Эх, ансяк бу авольть чарькодть куродомс омбоце ёндо. Ансяк бу авольть снрто керямс кинть. Чувомс кинть трокс канава, кайсемс чувтт. Сестэ весе ёмась! Еще бу колмо минутат... Еще бу кавто... Еще вейке.

Пулемётось ёртнесь уш остатка очередть. Сон эль-эль лексесь. Патронтнэ курок улить весе. Броневиक्सэнтъ теевсь пек пси. Ворошилов теине боевой щельтнева чавсь врагтнень маузерстэ, вейкень-вейкень, кочксезь: тень — забор ваксонть... Ней — омбоцень! Прась!

— Ансяк бу патронтнэ сатовольть, ансяк бу кенерема... А ну, ну, ялгай! Макст, эно, макст еще а ламодо! Спокойнасто! Еще вестъ... Ну!

Ды вана, оконики, машинась велявтовсь. Састыне, овсе канаванть вельксэс поводевезь, сон



кой-кода керш чарысэнзэ токась кинть коське севонень чирезэнзэ... Ды—тусь! Да, ялгат, тусь, тусь!

Броневикенть прясо боевой башнясь прок шлемсэ богатырень пря, кежейстэ велявтьс удалов.

— А ну, вечкема дружокт, получинк остатка пулятнень. Вана тенк, вана, вана. вана!!!

Талномань пачк ашотнень прязосткак эзь са чиемс броневикенть тылс, керямс мекев туема кинзэ. Кись ульнесь оля!

Кенярдозь уракадсь сиренась. Броневикесь, прок оляс менезь конь, весе соркстась, удалсь чарысэнзэ васов ёртсь коське тикшеть, пуль, щепкат ды ношкстась главной ульцянтень мин-сенекнень ёнов.

Тевесь теезель. Якстере войскадне ней парсте содасть, козо озась сынст врагось! Те—бойсэ сех важной тев. Кавто часонь ютазь кекшезь аштиця ашотнень панизь хуторстонть.

Истямо васень случаеть сетнень эйстэ, конат-неде мон арсян тенк ёвтнеме.



СМЕЛ РАЗВЕДКА

Омбоце случаесь ульнесь уш Царицын вакссо,
Волга лангсо.

Ашо армиятне мольсть якстеретнень мельга.
Сынь пачкодсть малав овсе Царицынэнтъ ваксс
ды пиризь сонзэ кольцякс колмо ёндо.

Ашотнень вейке батареясь — ниле пушкат ды
сядошка солдатт — лоткась боентъ учомо степьс,
ош вакссо велетнень тона ёно.

Валксе рана ашотнень штабсто те батареян-
тень ардсь ласте ломань. Сон усксь приказ:
улемс анок наступленияс. Батареянтъ ванномо

пурнась само командующеесь — кежей, грозной генерал. Батареясонть кармасть а ёвтавияк кода талномо.

Батареянь командирэсь макссь строгой приказ: нижней чинтнэнень, солдатнэнень — витнемс лангсост оршамонть, песоксо урядамс плаштятнень, ременень пряжкатнень. Офицертнэнень — невтемс пряст военнойкс, бодройстэ!

Штобу страшной генералось аволь са кодаяк апак учо, апак редя, Владюков вахмистрантень мерезель свал аштемс алаша лангсо ласте маласо пандыненть прясо ды ваномс кинть лангс — а сы ли.

Вихмистрась ульнесь пек покш рижой цёра. Андозь, эчке гнедой конесь менчевсь сонзэ сталмонзо ало. Пандонтъ прясо чувтомозь аштиця, ус марто ласте ломанесь васолдо неявсь кодамо бути памятникекс.

Вана, оконики, сон кепедизе кедензэ, токизе шпорасо конензэ ды тусь ардозь икелев. Сон неIZE: васолдо степканть батареянтень пуль потсо ардсь сэнь военной машина. Вана сон а ламос лоткась кинть лангс, вана пурдась кинть лангсто тикшенть лангс, мейле друк крутасто велявтсь ды тусь таго батареянтъ ёнов, но тусь мекс бути удалсе ходсо.

Владюков вахмистрась ардсь каршозонзо. Сон эси маря, месть те шкане кортасть автомобильсэ ардыцятне.

— Нолдыка удалсе ходсо, Цыбаненко!—мерсь вейкесь эйстэст.—Истя седе паро ули. Эцинек минь пек васов. Ки соды, кинь те батареясь: минек или ашотнень.

Владюков лоткась а ламос, варштась кедензэ алга ардыцятнень лангс, мейле серьгедсь:

— Гей, батареясо!—ды вармакс тусь ардозь машинанть каршо.

„Буто котонест ардыть. Военнойть,—арсезевсь сон.—Значит—генералось! Его провосходительствась!“

Зярдо ардсь овсе малас, сон ардомсто мазыйстэ лоткавтызе коненть, алякс ладизе кедензэ картуз козырентень, панжиксэлизе кургонзо, штобу весе вальгейсэ ёвтамс поздоровт генералонтень, ды цють эзь пра седластонтень: „Мезе истямо? Мезе? Мезе?“

Автомобильсэ ломатнень картузост лангсо ульнесть якстере тештеть. Якстереть!

Вахмистрась ноцковтыксэлизе кабурастонтень наганонзо... Но уш поздаль: се, кона аштесь машинасонть сех икеле, шоферэнтень вакссо, сеск кепедизе алов нолдазь винтовканзо. Степень велькссэ лужанясто каятотсь ледема.

Вахмигранть прок шочксо вачкодизь пря

ланга. Сон нолдынзе панст ведметнень ды ста-
касто новольсь масторов. Тандадозь конесь
стясь удалсе пильгензэ лангс ды мейле уш
ласте ломантеме вармакс тусь степканти...

Батареясонть сеск чарькодизь весе, мезе те-
евсь. Ветешка ласте ломать весе вийсэ сеск
жо ношкстасть машинантень. Кепететсь тал-
нома.

— Пулемёт! — пижнесть ды чийнесть ашот-
не. — Седе курок! Тей! Леднемс машинанть лангс!
Эх, туить! Седе курок!

Сэнь автомобилесь еще аволь васололь, но
леднемс ланганзо сеск жо теевсь а кода. Ав-
томобиленть марто батареянтъ ютксо таркаванть
ардсть уш сынсест ашотне. Кармат ледне-
ме — эсецетнень маштнесыть. Мезе тесэ
теемс?

Ластетне сайнизь лавтовстост винтовкатнень
ды мезе вий ардсть машинанть мельга. Но
курок сынъ кармасть кирдеме конест эйсэ, кар-
масть кадовомо удалов — ды а диваяк: бойкасто
ардыця автомобильстэнтъ леднестъ видестэ. Вей-
ке ласте ардыцясь пултокс прась конензэ лан-
гсто. Омбоцень лепштизе алонзо ранязь ала-
шась: Лия колмотне лоткавтызь конест: а ну
сынст, кадык ардыть! Ды сэнь машинанть вель-
кссэ пулень пелесь курок тусь васов...



· Вастома тарканть эйстэ а ламодо туезь, кавто пандыне ютксо лощинкасо, лисьма вакссо, машинась лоткась. Шоферэсь автордызе брезентэнь ведрыменть ды чийсь ведь мельга: моторось секень вант пек эжи. Валскень степень велькссэ качадсь тантей чине: сәпейстэ, свежастро — качамнесэ, тикшесэ, нартемкссэ. Чись уш верель. Менелесь ульнесь ванькс ды сән. Ансяк васоловить ёно, самай горизонтонтъ видьсэ, келемсть кавто покш коричневой пельть. Те истя палсть кодат бути маласо станцият, конат кирвастезельть ашотнень снарядсо.

Пассажиртнэ пейдезь валгсть машинастонтъ.

— Ну, цёрат, кода?— мерсь старшеесь.— Менинек, а?

— Менинек, Климент Ефремович,— кенярдозь ды весе друк отвечасть лиятне.— Яла теке, командарм ялгай... Кода можна истя? Прят а жалят тон: а ну — маштовлидизь бу?

Ворошилов сейсь тикше клокке, човсизе кедьсәнзэ, никсизе ды пейдезевсь:

— Чудактадо тынь ялгат!— мерсь сон, сонсь вансь ванькс степень васолксонтень.— Кода жо содасак обстановканть прянь ванстазь? Вана ардынек ведьгеменьшка вайгельбетъ, ней минь содатано, месьть тейнемс.

Сон чатьмонсь а ламос, арсесь-тейсь, таго пейдезевсь.

— Учодо, нейсынк, кода минь сынст куро-
ваткамо́ст карматано!

Алкукскак. Зяро бути чинь ютазь якстере
частьне сыргасть наступленияс.

Истямо́ль омбоце случаесь.



ПУЛЕМЁТ ВАКССО

Колмоце случаетсь ульнесь Воропоново станциясо, секе жо Царицынэнтэ эйтэ аволь васоло. Вана кода ульнесь те тевесь.

Сёксня, октябрясто, фронтсонть таго зэрякадсть орудиятне. Ашотне сайсть решения еще весть снартомс счасияст, эцемс Волгантень.

Ворошиловонь, кода свал, арасель мелезэ ветямс боенть ве ёндо, ошосто. Кемгавксовоце числасто штабонь вагонось ускизе сонзэ Воропоново станцияв. Тесэ неть читнестэ ки соды мезе мольсь.

Сеть шкатнестэ минек эзть сато аволь ан-сяк оружиянок. А ламольть минек паровозоно-как. Секс вишкине станциясонть ульнесь а чарькодевияк мезе. Чугункань китнень лангсо пурнавсть пек ламо кувака поездт, сех ламо ульнесть яла чопода-якстере товарной вагонт, теплушкат. Штабонь вальматнева неявисть сынст певтеме рядтнэ. Веенст теплушкатнесэ ульнесть ранязь боецт, конат ансяк ускозельть фронтсто, косо веть ульнесь пек виев бой.

Лиятне эцезь пештезельть пайстомо оргодицясо сеть таркатнестэ, косо ней азоркс ульнесть ашотне: неть теплушкатнесэ козсть сыре атятне, лайшесть аватне, авардсть ды цийнесть вишка эйкакштнэ. Весе неть ульнесть лавшомозь, сизезь мирной ломать, конат куломс тандадокшность войнадонтъ ды кежей врагонть эйстэ. Ведь фронтось ульнесь вакссост.

Яла теке станциясь ульнесь аволь овсе фронтсо. Секс вооруженной якстереармеецт-боецт эйсэнзэ ульнесть а ламо...

Самай обед шкане Ворошилов тердинзе эстензэ вагонс помощникензэ — совещанияс. Карта велькссэ комазь, якстере частьнень командиртнэ решасть, мезе эряви теемс, штобу лоткавтомс ашотнень наступленияст. Друк вальмало прок струна сезевсь: каятотсь авань пиже-ожо вальгейсэ пижнема:

— Идемизь! Идемизь! Ашот!

А ёвтавияк, мезе теевсь теде мейле.

Весе вагонтнэстэ, весе теплушкатнэстэ атятне, эйкакштнэ, аватне ношкстасть, прок превстэ лисезь, паксяв. Весе сынъ тандадомань пачк чийнэсть рельсатнень ланга, пижнэсть, авардсть, кунцэсть вейкест-вейкест эйс!

— Идемизь! Идемизь!

Ранязетне, конат еще якавильть ды конатнень ульнэсть винтовкаст, истя жо кирнявтнэсть теплушкастост. Веенст бинтовазь кедьсэст тонгонэсть штыктнень, лиятне пейсэст панжтнэсть затвортнэнь, анокстасть питнейстэ миемс эсь пряс. Но сынст эйстэ ульнэсь истя а ламо, истя а ламо!..

Ворошилов ды сонзэ штабозо сеск жо лиссь платформа лангс. Первой коммунистической дивизиянь командирэсь, кона ранязель пильгс (пильгезэнзэ ней бинтнэнь ланга карцезель кинь бути покш туфля), каявсь платформанть лангс лоткавтомост чиицятнень. Сон энялдсь, кортавтсь, грозясь, но весе стяко. Тандадомадонть превстэ лисезь неть атятне ды аватне уш эсть кунсоло киньгак ды мезеяк.

Ворошилов варштасть юг ёнов, тона ёнов, ков тандадозь велявтнэсть оргодицятне. Да, тевтне ульнэсть беряты! Станциянтъ перька васов степев туильть сёксень чаво садтнэ, шта-

дот, лопавтомот. Ды тосо, сынст томбале, чувто тарадтнэнь пачк сон нейсь: сядо, кавто, вете-сядт, а чарькодевияк зяро ашотнеде мезе вийсэ ардыть станциянтень... Наверна, сынъ куваяк эцесть минек тылс.

Месть ней тейнемс? Идицят арасць. Туемс? Арасць, нельзя туемс. Кода истя кадомс врагонтъ кедь алов неть мирной, идицявтомо ломатнень, сыреатятнень, эйкакштнень ды аватнень? Улевельгак кедь маласо коть вейке пулемёт... Но ведь сон арасель! Значит — кадовсь вейке: прят путомс бойсэ...

Ворошилов варштась помошникензэ лангс, аволдась прясонзо, каизе лавтовонзо лангсто свал кантнама вечкевикс карабинэнзэ, вишкине верной кавалерийской винтовканзо. Ашотне — сынъ неявсть прок кедь коморо лангсо — ардсть латконтень, кона таргавсь степканть витьстэ станциянтень, ды ряд-ряд мельга ёмасть латконтень. Кавто-колмо минутань ютазь сынъ лисить те латкостонтъ овсе уш маласо, оно тосо, кавто чувтотнень вакссо, ды сестэ...

Ки бути штабной якстереармеецтнэнь эйстэ мольсь удалдо ды састыне токизе Ворошиловонь кенере пакарде.

— Командарм ялгай, — пеле вальгейсэ мерсь сон. — Тонтъ конеть вадря. Мерть, ветяса конень. Озак, ардт!... Кодаяк менят.

Ворошиловонь чамазо якстерьгадсь кежтне-де. Сон крутасто велявтсь сень ёнов, ки тень меризе. Сон арсесь мезе бути отвечамо ды друк...весть кирнявтозь сон ёртовсь платформанть. Пулемёт! Сон нейсь пулемёт!

Платформанть лангсо лакавтозь веднень пиже баконть вакссо, стенанть ёжосо аштесь бойс анокстазь пулемёт. Наверна, сонзэ путызе охранась, мейле жо, тандадомань пачк, талномань пачк стувтызе сонзэ.

Кодамояк кавто-колмо секундас Клим Ворошилов автордызе пулемётонть чирькинеденть кевердизе платформанть песэ канавинентенть, дуланзо велявтызе тов, латконть ёнов, ладизе лентанть... Ды ульнесь шказо!...

Икельсе ластетне цела куцясо, кепедезь шашка марто уш лиссть латкостонть.

Идицявтомо станциянть кись сыненст ульнесь оля. Еще минута—ды сынъ улить тесэ.

Но те шкане кашт молемасонть каятотсь пулемётонь очередень страшной коське зэрнема. Командармонть виде кедьсэнзэ нолдазь пулятне сталень свинецэнь веерсэ керясть ардыця лаванть. Колмосядт пулят минутас. Вете—секундас. А неявикс верной кулома!

Ашо конницаанть прок керизе покш бритва. Латконть вакссо степесь сеск вельтявсь вишкине чопода пятнасо маштозь, ранязь ломаньсэ



ды алашасо. Косо-косо степканть седла ёжос
комазь, ардсть васоввейкень-вейкень всадникть ...
Весеме ёндо Ворошиловнень ней чийсть ломать.
Косто бути усксть омбоце пулемёт. Но тевесь
уш теезель. Боесь прядозель изнявкссо.

Командующеесь стясь кумажа лангсто, вар-
штась врагонтъ ёнов ды пейдезевсь. Яла теке
сеск жо сонзэ конязо потморгадсь.

— Ну вана!— мерсь сон.— Истя седе паро
ули. Но косо жо ульнесь станциянь охрansasь?
Кода истя ванстыть? Штабонь начальник ялгай,
кундак те тевентень тонсь. Эряви кеместэ ва-
номс. Сынъ могут одов пурнамс виест ды таго
каявомо. Кучинка монень комендантонть!..

Сон сорновтызе кумажанзо лангсто песоконтъ,
каизе котмерезэнзэ карабинэнтъ ды таго тусь
вагонс.

— Ялгат, адядо монень! Совещаниясь еще
эзь прядов ...



ЧЕРНЕ ВЕЛЬДЕ

Ашотнень марто войнась сыль пев. Советской масторось маштсь пензэ остатка врагтнень эйстэ вейке страшной врагонтэ—барон Врангелень. Буденновской Первой Конной армиянь отрядтнэ, противникенть мельга молезь, саизь Отрада веленть. Врагось потась. Валске марто Конной армиянтэ командиртнэ, Ворошилов ды Буденной марто, конат ульнесть прявтокс, пурнавсть тевтнень арсеме-тееме велень вейке кудонтень.

Друк ушосто марявсть пижнемат, винтовкасо

леднемат, ардома. Весе лиссть крыльца лангс. Велень келей главной ульцясь чаволь. Ансяк тосо, васоло песэнзэ, неявисть ласте ломать, пек ледность. Паряк ашо кавалеристнэ апак учо ютасть минек войскань линиянть трокс. Но зяро эйстэдест — ламо или а ламо? Косот сынъ — весе или аволь тесэ? Или велень ушосо сынст учить лият?

Кедь маласо ульнестъ а ламо ломать, ансяк кавто-колмо десяткашка.

Буденной кирнявтсь алаша лангс ды весе неть ломатнень марто ношкстась разведкас. Сынъ тустъ аволь главной ульцяванть, кардаз удалга, пирень пачк — ве ёнга. Реввоенсоветэнь членэсь Ворошиловгак эзь кадов штабс. Съкамонзо, кодамояк охранавтомо, сон мезе вий тусь ардозь витьстэ велеванть тов, косо ледность.

Ды друк овсе апак учо, штабонь кудонть ды турема тарканть ютксо пеле ки лангсо, бокасо проулкасто кинзэ трокс ардсь ласте ломанень цела эскадрон. Буденной? Арась. Ашот! Врангелевецт!

Ардомсто друк алашась а лоткавтови. Ворошилов ардозь совась витьстэ врагтнень юткс.

Кедьстэнзэ перчаткатнень ноцковтнезь, Клим Ворошилов арсесь автордомонзо револьверэнтъ...

Арась, позда, а кенери. Бокасонзо сон уш нейсь низэлгадозь, полгарнявтозь сельме марто врангелевецэнь чама. Пика марто казакось вана-вана каяви Ворошилов лангс.

Револьвер! Седе курок револьверэнтъ! Наганонтъ! Вить кедьсэнзэ Ворошилов кундась кабурантень, керш кедьсэнзэ ускизе панст ведометь. Сыре ялгазо, боевой конесь, сеск чарькодизе команданть. Пейсэнзэ ды копытасонзо вастызе сон врагонтъ, мешась тензэ теемс анокстазь вачкодеманть.

— А-а-а! Ах!

Пикась пачк пелизе Ворошиловонь келей бурканзо, ютась сурень эчксэ тарка теланть эйстэ, но тапарявсь складкатнес.

Кавонест алашатне чарькодсть, кармасть киштеме ве таркасо бокадо-бокас, сынсь корныть, кежей сельмест верьсэ валовсть. Врангелевецэнтъ низэлдыця чамазо овсе маласо... Сон месьь бути кирнэзь пижни, моткоди... Мекев ноцковтни буркантень понгозь пиканть... Наганонтъ, седе курок наганонтъ!.. Ворошилов автордызе револьверэнтъ, венстизе кедензэ...

Но те шкане друк маряви „ура!“. Бокасо проулкатнестэ ульцянть ливтить буденновецтнэ.

Секунда — ды ашотнень арась уш следэсткак.

Стакасто лексиця, кирвазезь боецтнэ ёртовсть мельгаст. Лиятне кольцякс пиризь эсь командирэст. Зярыя десятка кедть венстевсть сонензэ: щупамс, содамс — апак раня ли. Зярыя десятка сельмть тревожавозь ды кенярдозь вануть чамазонзо. Жив? Цела? Апак раня?

— Ну, кода, Климент Ефремович? Кода истя тон?

Климент Ефремович эль-эль таргизе врагонтъ пиканзо буркань складкатнестэ, козонь тапарявкшнось пикась. Сон нартни конястонзо ливезентъ. Сон пейди ялгатнень каршо...

— Мезеяк, мезеяк, цёрат! — корты сон. — Мезеяк, спокойнасто! Еще воёватано!

* * *

Истя ульнес ламо иеть теде икеле. Истя ульнесь.

Ней, зярдэ Оборонань Наркомонтъ икельга ютыть Васень майстэ минек Великой армиянь частьне, эрва боецэсь, сех сырентъ эйстэ саезь сех одонтень молемс, вождентъ содавикс кеме фигуранть лангс ванозь, кона спокойнасто ашти седласонтъ, арси:

— Да, вана сон минек Клим Ворошилов! Ламо сонзэ заслуганзо революциянтъ ды минек масторонтъ икеле. Мудройстэ ды превейстэ



вети сон минек эйсэ. Но ведь сон машты аволь
ансяк ветямо. Сон машты, бути эряви, туреме-
як чамадо чамас врагонтъ марто. Сон машты,
вительстэ, апак соракадо, варштамс куломанть
сельмс. Сон ве шкане Наркомгак, якстереарме-
ецкак. Шумбра улезэ Клим Ворошилов! Шум-
бра улезэ минек васень боецэсь!



Ц 1939 г.
Ант № 252
Бкладн. №

ОГЛАВЛЕНИЯ

ПЯТИИЗБЕННОЙ СТАНИЦА	4
СМЕЛ РАЗВЕДКА	11
ПУЛЕМЁТ ВАҚССО	18
ЧЕРНЕ ВЕЛЬДЕ	25


502

ШКОЛАДО ИКЕЛЕНЬ ДЫ ВИШКА
ЭЙКАКШТНЕНЕНЬ.

Ред. перевода *С. Варламов*
Технич. ред. *Г. Татура*
Корректор *А. Ашкова*

Сдано в производство 21/IX 1938 г.
Подписано к печати 16/II 1939 г.
Детиздат № 2055. Индекс ДН-5 Фор-
мат 70×92¹/₄. Печ. лист. 2. Уполномоч.
Главлита А-4269. Тираж 6000 экз.
Заказ № 3703.

17-я фабрика нац. книги Огиза РСФСР
треста „Полиграфкнига“, Москва,
Шлюзовая набережная, дом № 10.



Цена 40 гр.
коп.

15225

	Э.Мора
	3-274

Л. УСПЕНСКИЙ
ЧЕТЫРЕ БОЕВЫХ СЛУЧАЯ

На эрзя-мордовском языке

ПЕРЕВОД А. ТЯГУШЕВА